

Байртагъар тосв

Шидрхи болсн СССР-н Деед Советин гурвдгч сессийд хагьлгдсн төрмүдәр авгдсн шийдврийг Хальмг республикин хотл — Элст балгьсна күч-көлсчир, маш ик байртагъар тосцхав. Тийгх чигн зөвтә, юнъгад гихлә ән сессийд хагьлгдсн төрмүд советск күн болгьна седкл уханд бәәх төрмүд хагьлгдв, — гидж тедн келцхәнә.

СССР-н Деед Советин гурвдгч сессийн материалар яслгьна заводин цехмүдәр цәәлгьврин кәдлмшиг агитатормуд кеджәнә. Агитатормуд болдж үүрмүд Смоляков, Джальчинов, Тазаев, Шуптинов ахтанр кәдлцхәнә. Ән сессийн шийдврийг ухан-седкллә ирлцсн тәләд, цугъар кәдлмшичир таасцхаджана. Ән заводин электрик үр Леонов иигдж келв: — Н. С. Хрущевин США-д олад, ни-ниинцнъгьү, тәвкнүн кевәр бәәхми гисн үг, мана орн-нутгин боли кәдлмшич күүнә ухан-седклд бәәхиг йир сәәнәр медүлдж келсн үг.

Гурвдгч сессийд Н. С. Хрущев докладтан цуг советск келн әмтнә ни-ниинцнъгьү, тәвкнүн, дән уга бәә-

лгьнә седклд бәәх ухаг келв. тегәд чигн мана орн-нутгин газадин политикиг бидн икәр таасджанавдн; — гидж үр Леонов келв.

— Мана орн-нутгин нерн деерәс ән сессийд газадин орн-нутгудин парламентсүр кесн дуудврийг би йир таасв. Ән дуудврт советск күн болгьна, мана орн-нутгин тәвкнүн, дән уга бәәлгьнә политикиг дакн нег нарт делкәд үзүлджәнә. Мана правительствин ән седвәрийг советск күн болгьн дәннәджәнә. Дән гисн юмн мана орн-нутгт керг уга гидж Н. С. Хрущев американск күч-көлсчирт, капиталистирт келсн.

Мана орн-нутгин тәвкнүн бәәлгь-

нә политикиг мана бюджет чигн үзүлджәнә, бидн бюджетән нургьлдж советск олн әмтнә бәәдл джиргьлиг сәәхрүлхд гаргьджанавдн, — гидж прораб үр Харечко С. П. келв.

Әдү метәр әврәнн ухан седклән харулч үр Нездойминов боли нань чигн кәдлмшичир келджәнә. Түрүн нүүрт йовдг цутхлгьна цехин кәдлән Абушинов, токарь Корниенко В., слесарь Поляков, цутхлгьна цехин бригадир үр Тазаев СССР-н Деед Советин гурвдгч сессийн шийдврийг таасцхадж, орн-нутгинн күүч-чидлиг цааранднь улм батрулхин тәләд, улм сәәнәр кәдлнәвдн гихцхав.

ХАМЦУЛОВ Б.